

استدلال

هفته ده بر دفعه نشر اولور حقوق و سیاسیاتدن باحث

عالی، ادبی مجموعه در


نومرو ۱

۴ ایلول سنه ۱۳۲۴



سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

محاکمه ایله نادرآ اشتغال ایتمکده اولان مأمورین ملکینه ک ابتدای امرده تشکیل طرفین نقطه سنده خطا وقوعه کتورمکده و مجالس اداره لر طرفدن اتخاذا اولنان مقررآتک پک چوغی اصول محاکمه احکامنه غیر قابل توفیق بولمقده در مع هذا دعاوینک رؤیتی آیبرجه بلکه سنه لرجه سورونجه ملرده قالدینی امنال کثیره سیله مثبت بر کیفیتدر.

مکتب حقوق مأذونلرندن

کمال مختار

فاسفه حقوق جزایه

فرانسه انستیوا اعضاسندن و مشاهیر جزایوندن فرانقندن مقتبسدر :

حق مجازات، حق مدافعه، مدافعه احتیاطکارانه، مدافعه زجریه، آرای مختلفه، «بتان» ک نظریه سی

حق مجازات مسئله سی کی بر موضوعی حاده تدقیقندن کچیرمک ایچون اول امرده بوموضوع حقننده بر فکر تام حاصل ایتک یعنی حد ذاتنده مجازات نهدر؟ حق مجازات نهدن عبارتدر؟ بورالری اکلاشلق ایجاب ایدر. بالفرض سوقافده کیدن بر آدمک اوزرینه هجوم ایدیلهرک اولا تهدیدانده بولنیلور، او آدم منقاد اولماز ایسه در حال استعمال جبر و شدت ایدیلیر اوده اوزرینه کلان قوتی قوت ایله دفعه چالیشر، نهایت مهاجم حیاتی تهله کده بولندیره حق نقطه یه قدر مقاومتده بولنور، اشته بو حال، مدافعه نفسدر، حق مدافعه یی استعمال دیمکدر. بوقسه مهاجمه کندیلککندن بر جزا اعطا ایدرک توزیع عدالته باعث اولمق دیکدر.

هیئت اجماعیه: حالده اشکل ایتماش، قانونک حکم و قوتی تقدیر ایلمامش بر قوم، بر مملکت تصور ایده لمک اوراده هرکس کندنی امنیت و آسایشی محافظه یه مجبور اولسون بنا، علیه حق مجازاتده هرکسک یدافتدارنده بولسون بویه بریرده

فرضا بر کون قوم شو کزک، مامدککزی آشیرمق، یاخود سزی قتل اتمک ایچون کیجه لین خانه کزه کیره جکینی ایشیدیرسککز، طبیعی سزجه در حال شو فعل متصورک موقع اجرایه وضعنه میدان ویر مامک ایچون، هیچ برشی بکلمکسزین، او قوم شو کزک اوکنه جیقوب آتی کندیکزه بر زیان ایراث ایده بیله جک حالدن منع ایدر، یاخود سزدن اوزافلاشمسینی تنبیه ایلرسککز، بوراده کی مدافعه بر مدافعه احتیاطکارانه در، اولکیسی ایسه بر مدافعه زجریه در. بر مثال دها ذکر ایده لم: پاره کزک، اشیا کزک الحاصل ثمره سیکزک سرقت ایدلدیکنی اکلا درسککز، بر مدت صوکره فصلسه سارق ددرست ایدوب یالکز سرقت ایتدیکی اشیایی دکل، سرقتدن متولد بالجله ضرر وزیانی تضمینه اجبار ایلرسککز یاخود بر تحقیر وافترایه دوچار اولورسککز. ناموس وحیثیتکزه، اعتبار مالیکزه شدتلی بر ضربه اوریلور، سزده بو افعالك فاعل، ویا فاعل لرینی سزی حال سابقکزه وغائب ایتدکاریکزی اعاده یه اجبار ایلرسککز. بوا دعای مشروع مجازات دکل بلکه طلب تضمینادر.

تضمینات ایسه استرداد ارجاع اولنه ییلور چونکه حق سز اوله رق سزدن رفع ایدیلن شیئر بالاسترداد اعاده اولنور بونلردن نمایان اولدیغنه کوره حق مجازات، حق مدافعه دن بوسبوتون آیریدر. عجیا مجازات؛ اخذ ثار و انتقام ایله برلشیری؛ لسان قواننده و حقوق موضوعه ده اکثریتله استعمال اولنه کلن بو انتقام، اخذ ثار تعبیر قدیمی، حد ذاتنده مجازاتک افراد یدندن هیئت اجتماعیه یدینه تودیفنه وسیله اولان اسبابدن صرف نظر ایدیه جک اولور ایسه عجیا ینه حق مجازاتک انتقامدن باشقه برشی اولمدینی فکرینی الفا ایده بیلیری؛ قابل انکار دکلدرکه ازمئه قدیمه ده، انسانلرک حال وحشت و جهالتده بولندقلری زمانلرده، افراد کبی هیئات اجتماعیه دخی عقل سلیمه تبعیت ایتیوب کندی امللرینه اطاعت ایتدکلرندن بو کبی بر طاقم تعبیرات السنه قوانینه بالطبع داخل اولمشدر. مجازات فصلکه عدالتک بر بحلیسی ایسه انتقامده کین و نفسانیتک بر صورتیدر. انتقام آلان آدم حقلی ویا حق سز اولدیغنی نظر دفته آلمز، اینی ویا فنا بر ایشه

بولنديغنى ملاحظه ايتز، تحت تاثيرنده بولنديغى قوه تابع اولور.

رازده حق مجازاتك كيمه عائد اولديغنى و مجازاتك نهدن عبارت بولنديغنى تدقيق ايدهم . مجازات حق و مشروع اولمق ايچون ايكي شرط لازمدر .

برنجيسى : اخلاق عموميه نقطه نظرندن قنا بر سببه اقتران ايتمى ، ايكنجيسى ايشله نيلان فعل ايله متناسب اولمسيدير . مجازات ، جزا ديدنه اوله حق آدم حقنده عدالتى استلزام ايلديكى كې آنى استعمال ايدهك اولانكده برحق بولمىنى مستلزمدر . بويله برحق نظام عالم ايچون بتون كئسانده جارى بولمق ايجاب ايدر ، بونى انكار ايتك وجدانه وبتون نوع بى بشره قارشى عصيان و مخالفتده بولمق ديمكدر . بوقاعده حقائق هندسيه كې وجودى كنديلكندن مبدتدر . ذاتاً بوقانون يعنى مجازات قاعدهسى فكر انسانيتك غبرى بر صورتى دكلدر .

بو اويله بوقاعده مؤثره و شديده دركه آخرى طرفندن وضع واجرا ايدلك احتياجندن وارسته در . مجرم ، جناب حق طرفندن قلبنه القا ايديلن برحس شديك زبونى اولور ، فساد اخلاق جهته مئابل اوله ميان انسانلر زنده قطرتك اء اول القا ايدهك تاثير ، عذاب وجدانيدير . عذاب وجدانى ، ندامت بر نوع مجازات اولمقله برابر مجرمك محروم ايلديكى حقوقه دسترس اوله بيلمك اميدلرينى اويانديرر زيرا عذاب وجدانى انسانده وجدانك دهاتماميله حكم و تاثيرينى اجرا ايتمكده اولديغنى ، و اخلاق حسنهك كاملاً محو اولمديغنى ، انسانك معنويادن كاملاً مادياه دوكلديكى كوسترير . بونك ايچون دركه فلاطون « انسان ايچون اك بيوك مصيبت ، اك بيوك فلاكت بر فالح ايقاعندن سوكره استحقاق كسب ايتديكى مجازاتى كورمامكدر . » دهرهك عذاب وجدانك نهقدر بيوك بر مجازات اولديغنى ايتك ايسته مشدر .

عذاب وجدانى انسانك مرامندن ، ازاده جزئيه سندن كاملاً آيرى برشيدير ، اكا تابع دكلدر . بزي عذاب وجدانى ايله محكوم ايدن قانون برقانون الپيدر . بونده شبهه يوقدر . بزم موضوع بچشمز ايسنه بودكلدر ، مقصدمز حق مجازادن ،

انسانانك يدينه تسليم اولنوبده هر آن خطا و غرضه ميل واستعدادی اولان حق مجازآدن بحث ايتمكدرد . بويله برحقك موجوديتنده افكار مختلف اولوب برقسم حكما وقانون شناسان تابع اولدقلری مسلک ايجايخه حق مجازآنی كاملا انكار ايدرلر . زيرا مجازآتك مبنی عليهی اولان فتالنی رد وانكار ايتكلری كبی ايسلکی دخی قبول ايتزلر و « ايسلك فائدهلی اولان شی، فئالوقده فائدهسی اولميان شيدر، بونلری ادامه ايجون مجازآت تهديدكارانه كافيدر » ديهرك اساس مجازآنی فكر عدالته استناد ايتدير ميريب منافع عموميه استناد ايتدير لر بومسلک « Bentham » بتان وتلميدلرينك مسلکيدر ديكر برصنف اربابی ايسه فئالوق و ايسلکی پيتلرنده كی فرق اعتباريله طائيفيله برابر حق مجازآتك هيئت اجتماعيه طرفندن اجراسی عليهنده بولنورلر و ديرلر كه هيئت اجتماعيه اعضاسندن بر فرد مجازآت ايتك ايجون انسانلرك يداقتدارنده اولميان بعض شرائطي ايفايتملری، هانكي شيك فنا وهانكي شيك اي اولديغنی، درجات مجرمیتی تماميله بيلملى ايجاب ايدر، زيرا مجرميت يالكرز فعل واقع ايله تقدير ايديله مز، بعض اسباب داخليندن نشأت ايدر كه انسانلر آنی تقديردن عاجزدر . بتون بو شرائطك ايفاسی مستحيل اولديغندن هيئت اجتماعيه حق مجازآدن صرف نظر ايدوب يالكرز مدافعه ايله اكتفا ايتلی واسباب مدافعه سنی تأمينه چليشمليدر . بعضيلری ده يعنی حقوقك شخصی اولسی طرفدارانی (Locque) ك تلميدلری (ژان ژاكو روسو Jean Jacques Rousseau)، (غروحيوس Grotius) حق مجازآنی شخصه عطف ايدوب هيئت اجتماعيه يدينه كچه بيلمسی ايجون بر مقاوله اجتماعيه (Contrat social) نك وجودی الزمدر ديرلر .

اوجنچی برقسم يعنی (كانت Kant) طرفدارانی وعصر حاضر فيلسوفلرينك اكثری «حق مجازآتك صرف عدالته مستند اولسی» فكرنده بولتالردر . بومسلک، يومكتبك اهمیتی شونكه نظام ايدیوركه (گوزن Gausen)، (گيزو Guizot)، (دوق دو بروغلی Duc de Broglie) و جزا قانوننامه سی مؤلفی (روسی Rossi) كی مشاهير هب بو فكره بومسلكه خدمت ايتملردر . برقسم اطباء، خصوصيله

علل دماغیه اطباسی ده وارد رکه جرم «روحك بر نوع خسته لکندن ، جمله عصبیه نك خلل پذیر اولمسنندن عبارتدر «دیرلر و مجازاتی ده بو خسته لکاره قارشی بر نوع علاج عد ایدوب فاعل جرمی ده دهشتلی بر مریض فرض ایدرلر .

یوقاریدن بری سرد ایستدیکمز ملاحظات و مسالکده بر قاج درلو افکاره تصادف ایدیلیر . اولاً ، هیئت اجتماعیه طرفندن اجرا ایدیلاں قوانین جزائییه نك برمدافعه مشروعه یه استناد ایتسی ، ثانیاً قوانین جزائییه نك ، قوانین الهیه دن معدود اولسی ثالثاً قوانین جزائییه نك بر مقاوله اجتماعیه مستند بولنسی رابعاً قوانین جزائییه نك توزیع عدالت ایلنسی ، فمالغك فئالق ایله منع ایدلنسی فکرندن منبعث بولنسی خامساً قوانین جزائییه نك غایه سی هیئت اجتماعیه مضر اولدینی قدر افرادندن بر خسته نك کندینه ده مضر تی درکار اولان مرضی تشفییه ایتمکدن عبارت اولنسی در حق مجازاته متعلق نظریات اشته بونلردن عبارت اولوب بونك منافع عمومیه دن منبعث و بتان مسلک نك مردود بولدینفی مقاله آتیه مزده ایضاح ایلیه جکر .

سعاد مختار

مرکزیت وعدم مرکزیت اصولاری

جمعیت اینجده عامه جه مطاع اوله جق بر قوه عمومیه نك قطعیت لزومی ، اسباب طبیعیه و حکمیات حقوقیه به کمال موافقی وارسته قید ایضاحدر .

مونتسکیونك «جمعیت ، قوه عمومیه سز یشایه ماز» و «اکیسون» ده «باشسز ملت اوله ماز» اقوال حکیمانه لری اشبو حقیقت اجتماعیه و سیاسیه نك درجه بدهتنی برقات دها اعلا ایدر حکومت مشروطه ده اشبو قوه عمومیه نك قوه اجرائیه و تشریعیه به انقسام ایلدیکتی باشقه بر مقاله مزده بیان و ایضاح ایلمشدك .

بوراده کی موضوع بحثمز یالکز قوه اجرائیه دها طوغریسی قوه مذکوره نك